



Լիբանանեան Լուրեր

Միջաթին Ի Պատասխան Նասրալլային. Զեր Դիրքորոշումները Կը Վիրաւորեն Լիբանանցիները

Վարչապետ Նաժիպ Միջաթին պատասխանելով Հըզպալլայի առաջնորդ Հասան Նասրալլայի խօսքերին ըսաւ. «Մենք միշտ կոչ ըրած ենք Լիբանանը գերծ պահել շրջանային խնդիրներէն չվնասելու համար Լիբանանի յարաբերութիւնները արաբական երկիրներու հետ, յատկապէս Սեուտական Արաբիոյ հետ: Այն, ինչ որ Նասրալլա իր վերջին ելոյթին մէջ ըսաւ Սեուտական Արաբիոյ մասին, չի ներկայացներ Լիբանանի կառավարութեան եւ լիբանանցի ժողովուրդին աւելի լայն հատուածին դիրքորոշումը: Լիբանանի շահերէն չի բխիր վիրաւորել որեւէ արաբական երկրի, յատկապէս Ճոցի երկրներուն»: Նշենք, որ Նասրալլա իր վերջին ելոյթին ընթացքին բռն յարձակում գործած էր Սեուտական Արաբիոյ վրայ:

Հայկական Լուրեր

Հայաստանը Ստանձնեց ՀԱՊԿ-ի Նախագահութիւնը

Հայաստանը ստանձնած է 2022 թուականի Նախագահութիւնը Հաւաքական անվտանգութեան պայմանագրի կազմակերպութեան (ՀԱՊԿ): Տաճիկիստանէն Նախագահութիւնը պաշտօնապէս Հայաստանին փոխանցուած է 2021-ի Սեպտեմբերին՝ կազմակերպութեան վերջին նստաշրջանին:

Հայաստանը արդէն ձեւակերպած է կազմակերպութեան Նախագահութեան առաջնահերթութիւնները՝ հաշուի առնելով վերջին տարիներու մարտահրաւերները: Անոնք կը ներառեն ՀԱՊԿ գործունեութեան արդիւնաւետութեան բարձրացումը, ինչպէս նաեւ կազմակերպութեան ռազմական բաղադրիչի հետագայ զարգացման հարցերը: Կառոյցի միւս աւանդական առաջնահերթութիւնները, այդ շարքին՝ ահաբեկչութեան, ծայրայեղականութեան, թմրանիւթերու ապօրինի շրջանառութեան, ապօրինի գաղթի դէմ պայքարը, կը պահպանուին:

ՀԱՊԿ-ի նոր գերակայութիւններու շարքին է դիմակայութիւնը կենսաբանական սպառնալիքներուն: ՀԱՊԿ երկիրներու անվտանգութեան խորհուրդներու քարտուղարներու կոմիտէին կից պիտի ստեղծուի կենսաբանական անվտանգութեան հարցերով լիազօրուած մարմիններու համակարգող խորհուրդ:

2022-ի աւարտին ՀԱՊԿ-ի Նախագահութիւնը Հայաստանէն պիտի անցնի Պելառուսիոյ:

ՀԱՂՈՐԴԱԳՐՈՒԹԻՒՆ

Արամ Ա. Վեհափառ Հայրապետը Ընդունեց Ռաֆայէլ Պետրոս ԻԱ. Հոգեւոր Տէրը

Երկուշաբթի, 3 Յունուար 2022-ի երեկոյեան, Վեհափառ Հայրապետը Անթիլիասի Մայրավանքին մէջ ընդունեց այցելութիւնը Հոգեւոր Տիրոջ՝ սրբազան, գերապայծառ ու վարդապետ հայրերու ներկայութեամբ:

Շուրջ ժամ մը տեւած հանդիպումը առիթ հանդիսացաւ նոր տարուան ու Աստուածայայտնութեան տօներու առիթով բարեմաղթութիւններ փոխանակելու, ինչպէս նաեւ անդրադարձ կատարելու հայ ժողովուրդը յուզող խնդիրներուն:



ՈՒՂԵՐԶ

Ն.Ս.Օ.Տ.Տ. Գարեգին Երկրորդ Ծայրագոյն Պատրիարք Եւ Ամենայն Հայոց Կաթողիկոսի Ուղերձն Ամանորի Առիթով

Սիրելի բարեպաշտ ժողովուրդ. ի Հայաստան, ի Արցախ եւ ի Սփիւռս,

Նոր տարուայ սեմին Մայր Աթոռ Սուրբ Էջմիածնից Հայրապետական Մեր օրհնութիւնը, սերն ու բարեմաղթանքներն ենք բերում ամենքիդ:

Ցաւով ու դառնութիւններով լեցուն տարի ապրեցինք: Արցախեան աղէտալի պատերազմի հետեւանքները, Հայաստան եւ Արցախ մեր հայրենիքի շուրջ ծաւալուող բարդ ու մտահոգիչ գործընթացները, երկրում տիրող դժուարին իրավիճակը զրկել են մեզ առօրեայ, ինչպէս եւ ամանորեայ բնական ուրախութիւնից:



Շար. Էջ 05

ՊԱՏԳԱՄ



Ս. Ծննդեան Պատգամ

«Խորհուրդ մեծ եւ սքանչելի, որ յայսմ աւուր յայտնեցաւ. հովիւքն երգեն ընդ հրեշտակս, տան աւետիս աշխարհի»:

Սիրելի հայրենակիցներ,

Ահաւասիկ, անհունին լուսամուտը դարձեալ կը բացուի մեր դիմաց, որպէսզի կեանքի նորոգութեան բաղձանքով, նոր տարի մը դիմաւորենք մեր առաքելային ներս եւ ի խնդիր մարդկային գոյութեան նորոգութեան, Ս. Ծննդեան լոյսը ընդունինք մեր հոգիներուն մէջ:

Արդարեւ, երբ ամբողջ աշխարհը կ'անցնի արտասովոր հարցերու ու խնդիրներու բովէն, երբ ազգովին դարձեալ կը գտնուինք նոր կորուստներու եւ սպառնալիքներու դիմաց, երբ Լիբանան ու Լիբանանահայութիւնը իրենց գոյութեան ամենէն դժուարին պահերը կ'ապրին, Հայ Եկեղեցւոյ շարականին բառերը խորհրդաւոր թելերով մեր հայեացքը կը տանին դէպի անհունը, ուսկից Աստուծոյ լոյսը աշխարհ կու գայ, սրբութեան կնիքով վերանորոգելու անորոշութեան մատուած մեր կեանքը:

Ս. Ծննդը, տօնն է մարդկային գոյութեան նորոգութեան: Աստուած է նորոգողն ու հրաշագործը եւ մարդկային հոգին է այդ շնորհքը ընդունողը: Սուրբ Ծննդը, յայտնութիւնն է նոր կեանքին: Սակայն, այդ նոր կեանքը պայմանաւորուած է մեզմով եւ կրնայ բարգաւաճիլ ու կատարելագործուիլ մեր իրականութեան մէջ միայն այն պայմանով, երբ մենք հաւատքով Աստուծոյ հետ կը ստեղծենք սերտ յարաբերութիւն: Ուստի, աստուածային փնտռող հոգիները միայն կրնան ընդունիլ երկինքէն երկիր եկող լոյսին շնորհքը եւ այդպիսով նաեւ զգալ, որ Աստուած մեզի կու գայ, լուսաւորելու եւ ոգեւորելու համար խաւարին մատուած մարդկային մեր կեանքը:

Շար. Էջ 05

ԳՈՅԺ



Տոքթ. Յարութին Արզումանեանի Կորուստը

Թեքեան Մշակութային Միութեան Կեդրոնական Վարչութիւնը կու գայ խորունկ վիշտով հաղորդելու կորուստը իր երկարամեայ անդամին եւ նախկին ատենապետին՝ Տոքթ. Յարութին Արզումանեանին որ իր մահկանացուն կնքեց Դեկտեմբեր 26ին, Մոնթրէալի մէջ, սուգի մատնելով իր ընտանիքը, Թեքեանի բովանդակ անդամակցութիւնը եւ գանատահայութիւնը:



Մեծ եւ անփոխարինելի է վաստակը հանգուցեալին, իբրեւ յառաջապահ բժիշկ, ազատախոհ խմբագիր, մշակութի գործիչ ու Հայաստանեայց Առաքելական եկեղեցւոյ նուիրեալ եւ առաջնորդ:

Ան հոգածու հայր եւ ամուսին էր իր հայատոհմ ընտանիքին ուր աճեցան երեք (Չաւեն, Անահիտ եւ Երուանդ) տաղանդաւոր զաւակները, հպարտութիւն պատճառելով իրենց ընտանիքին եւ հայ համայնքին: Բացի իր բժշկական ասպարէզէն – ուր վաստակած էր առաջաւոր գիտնականի համբաւ – պատկառելի է իր ներդրումը գանատահայ գաղութի զարգացման մէջ եւ յատկապէս գանատահայ թեմի կազմաւորման տարիներուն:

Իբրեւ Ռամկավար Ազատական Կուսակցութեան անդամ ան վարած է ղեկավար պաշտօններ եւ հեղինակած է բազմաթիւ կանոնական ծրագիրներ:

Մօտ կէս դարու աշխատակցութեամբ սատարած է Մոնթրէալի «Ապագայ» թերթի խմբագրութեան, գրելով առաջնորդող յօդուածներ հայերէն եւ անգլերէն լեզուներով: «Ապագայ» թերթին մէջ Մասիս գրչանունով իր յօդուածները ամփոփուած են «Նշմարներ» վերնագրեալ հատորի մը մէջ որ լոյս տեսած է 1988ին:

Իբրեւ մնայուն անդամ Կեդրոնական Վարչութեան ան նուիրումով ծառայած է անոր ծրագիրներու մշակման եւ 12 տարիներ (1981-1983, 1986-1987, 2008-2017) ալ ղեկավարած է կազմակերպութիւնը իբրեւ ատենապետ:

Ան ի երախտագիտութիւն իր վաստակին՝ Թեքեան Մշակութային Միութիւնը իր Մոնթրէալի կեդրոնին սրահը անուանակոչած է իր եւ իր կողակիցին պատուին, իբրեւ «Տոքթ. Յարութին եւ Սիմա Արզումանեան» սրահ:

Ամենէն բնորոշիչ տարազը որ կրնայ լաւագոյնս պատկերացնել Տոքթ. Յարութին Արզումանեան, պիտի ըլլար զինք կոչել իբրեւ համեստութեան եւ խոնարհութեան կոթող:

Խունկ եւ աղօթք իր յիշատակին եւ յարգանք իր պատկառազօր վաստակին:

ԹԵՔԵԱՆ ՄՇԱԿՈՒԹԱՅԻՆ ՄԻՈՒԹԵԱՆ
ՄԻԱՑԵԱԼ ՆԱԶԱՆԳՆԵՐՈՒ ԵՒ ԳԱՆԱՏԱՅԻ
ԿԵԴՐՈՆԱԿԱՆ ՎԱՐՉՈՒԹԻՒՆ

Դեկտեմբեր 29, 2021



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ ՀԱՅՈՑ

**Ն. Ս. Օ. Տ. Տ. Արամ Ա. Կաթողիկոս
2022 Տարին կը Հռչակէ
«ՍՓԻՒՌԻ ՏԱՐԻ»**

Թեմիս Բարեջան Առաջնորդ՝ Գերշ. Տէր Շահէ Արք. Փանոսեանի տնօրինումով, Կիրակի, Յունուար 9, 2022-ին, Լիբանանի Թեմի բոլոր եկեղեցիներէն ներս, Ս. Պատարագի ընթացքին պիտի ընթերցուի Ն. Ս. Օ. Տ. Տ. Արամ Ա. Վեհափառ Հայրապետին պատգամը, որով 2022 տարին կը հռչակուի «Սփիւռքի Տարի»:

Ուրախութեամբ կը հրաւիրենք մեր հաւատացեալ ժողովուրդը լսելու Վեհափառ Հայրապետին պատգամը:

Կրօնական Ժողով



Պատմութեան Մէջ Այսօր

Տիգրան Կամսարական

Տիգրան Կամսարական (1866, Պոլիս, Օսմանեան Կայսրութիւն - 4 Յունուար 1941, Վիշի), արձակագիր եւ հրապարակագիր, «Վարժապետին Աղջիկը» վեպին հեղինակը:

Ծնած է Պոլիս, ուր ստացած է Նախնական ու միջնակարգ ուսում, ապա անցած է առեւտրական ասպարէզ իբր գրագիր ու աշխատակցած՝ զանազան թերթերու: Տիգրան Կամսարական, Պոլսոյ Գատըգիւղի Արամեան միջնակարգ վարժարանը աւարտելէ անմիջապէս ետք, 1882-ին կը մտնէ ծխախոտի արդիւնաբերութեամբ զբաղող հօրը գործին մէջ, միաժամանակ հոգեմտաւոր իր զարգացումը, գրական սնունդը առնելով Ալֆոնս Տոստիկի նման ֆրանսացի իրապաշտ գրողներէ:

Տիգրան Կամսարական, հագիւ քսան տարեկան, թերթերու մէջ կը հրատարակէ քրոնիկներ: Մերտօրէն գործակցելով Ա. Արփիարեանի, Գր. Չօրապիի եւ Հ. Ասատուրի, Տ. Կամսարական յաճախ կ'երեւի «Մասիս»-ի մէջ:

1888-ին լոյս կ'ընծայէ իր առաջին մեծ գործը՝ «Վարժապետին Աղջիկը» վեպը, գրուած 20 տարեկանին, որ մեծ հռչակ ապահոված է իրեն ու շատերու կողմէ կը նկատուի՝ արեւմտահայ առաջին իրապաշտ վեպը:

1890-ականներուն սկիզբը, երբ «Արեւելք», «Հայրենիք» ու «Մասիս» թերթերուն մէջ ան հանդէս կու գայ յատկապէս թատերական գրախօսութիւններով, բազմաթիւ քրոնիկներով ու յօդուածներով, շարք մը գրական ուսումնասիրութիւններով: այդ ժամանակաշրջանին կ'ստեղծագործէ իր երեք լաւագոյն պատմութիւնները՝ «Եարօ», «Ընկուզին Կողովը» եւ «Հովկուկ»:

Համիտեան կոտորածներու՝ 1895-1896 թուականներու նախօրեակին, Կամսարական կը հաստատուի Եգիպտոս, կը շարունակէ աշխատակցիլ թէ՛ պոլսահայ եւ թէ՛ եգիպտահայ մամուլին: Եգիպտոսի մէջ



ապրելու պատճառով, Կամսարական կը փրկուի 1915-ի Հայոց Ցեղասպանութենէն: Ան, Եգիպտոսի մէջ, իր եղբօր հետ կը հիմնէ Կամսարական ծխախոտի գործարանը:

1910-ին Տիգրան Կամսարական հանդէս եկաւ «Փրկանքը» խորագրեալ իրապաշտական թատերգութեամբ, իրապաշտական հայեացքներով, Միքայէլ Կիրճեանի հետ աշխատակցաբար: Աւելի ուշ, «Վասակին Իղձը» տրամախօսութեան ձեւով կատարուած հոգեվերլուծումի իր փորձին, տեղ կու տանք թերթիս կողքի սիւնակներուն մէջ: Իսկ 1920-էն մինչեւ իր մահը՝ 1941, ան արդէն քաջուած էր գրական կեանքէ, սակայն իր գրական-հասարակական գործունեութիւնը ընդհանուր առմամբ համընթաց էր իր ժամանակի ոգիին:

Կամսարականի գրական ժառանգութիւնը ցայսօր չէ արժանացած անաչառ ուսումնասիրութեան: Արեւմտահայ յայտնի բանասէր Թ. Ազատեանի յօդուածաշարքն ու խորհրդահայ բանասէր Գ. Ստեփանեանի «Վարժապետին Աղջիկը» վեպին առիթով գրած յառաջաբանը ցարդ կը մնան գլխաւոր աղբիւրները Կամսարականի գրական հրիտակը լոյսին բերող:

1919-ին կը հաստատուի Փարիզ, ուր կը մնայ մինչեւ իր մահը: 1920-ականներու վերջերը Փարիզ հաստատուելէ ետք, Տիգրան Կամսարական մաս կը կազմէ հոն Հ.Բ.Ը.Միութեան Կեդր. վարչութեան եւ Պօղոս Նուպար Փաշայի գլխաւորած Ազգ. պատուիրակութեան:

Յետհայեացք Անցնող 2021 Տարուան Վրայ

Հ.Բ.Ը.Մ.ի Նախագահ Պերճ Սեդրակեանի Խօսքը Նոր Տարուան Ընդառաջ

Նոր Տարուան սեմին, անցնող 2021 տարուան վրայ յետադարձ ակնարկով մը կրնանք հաստատել, որ անիկա մեր կազմակերպութեան համար եղաւ նախաձեռնելու եւ նոր ծրագիրներ իրականացնելու փորձառական շրջան մը: Նախորդ երկու տարիներու տագնապներուն ծանրակշիռ հետեւանքները լուրջ մարտահրաւերներ ստեղծած էին համայն աշխարհին եւ մասնաւորաբար հայութեան համար: Հ.Բ.Ը.Մ.ը շարունակեց դիմակալել այդ մարտահրաւերները, յանձնառու՝ ամենուրեք հայութեան կարիքներուն հասնելու իր առաքելութեան:

Երբ համավարակի դէմ միջոցառումներու որոշակի արդիւնաւորութեամբ ճամբորդութիւնները կարելի դարձան, մենք առաջին իսկ պատեհութեամբ անձամբ այցելեցինք Հայաստանի, Արցախի եւ Միջին Արեւելքի արտակարգ իրավիճակներու մատնուած մեր համայնքները, մօտէն գնահատելու համար առաւել եւս խոցելի այդ շրջանակներուն կարիքները: Ընտանիքներ, որոնք հապճեպով տեղահան եղած էին իրենց պապեանական օճախներէն, յետ-պատերազմեան նոր սահմանագիծերու պարտադրանքին տակ – Տնտեսական խառնաշփոթ իրադրութեան իբր հետեւանք՝ վառելանիւթի, սննդամթերքի եւ ապրուստի սուր տագնապ – Իրենց անհետացած զաւակներէն եւ դուստրերէն լուր սպասող ծնողներ – Համավարակ մը, որ մեր կեանքերը կաշկանդող իր սեղմումի թուլացման ոչ մէկ նշան ցոյց կու տայ: Մէկ խօսքով, ամողջ սերունդի մը ձեռքբերումներուն առերեւոյթ կորուստը:

Բայց եւ այնպէս, ի հեճուկս այս մարտահրաւերներուն, մենք մեր անցեալի փորձառութեամբ սորված ենք ի մի բերել մեր միջոցները եւ աշխարհի բոլոր կողմերէն համախմբել մեր համապատասխան ուժերը, ապագային ընդառաջ նոր գաղափարներ եւ գործելակերպ որդեգրելով: Այս տարին, մասամբ նաեւ համեմատական հանդարտութեամբ, վերածրագրումի եւ նոր ռազմավարութեան մշակումի առիթ հանդիսացաւ: Մեր ղեկավարութիւնը միշտ հետամուտ է գործակցութեան եզրեր գտնելու մեր տեղական համայնքներուն եւ աշխարհի տարածքին մեզի համախոհ կազմակերպութիւններու հետ, հայութեան շահերուն ի նպաստ ռազմավարութիւն, գործելակերպեր եւ համապատասխան ծրագիրներ մշակելու ուղղութեամբ:

Հ.Բ.Ը.Մ.ը մարդասիրական իր օգնութիւնները օրուան կարիքներուն համապատասխան հունաւորելու իր ճկունութիւնը եւ կարեկցական ոգին ցուցաբերեց, հոգեկան ճնշուածութեան (trauma) եւ մտային առողջութեան ուղղուած խորհրդատուական եւ հոգեբանական աջակցութեան տարբեր տեսակի ծրագիրներ կազմակերպելով, որոնք մասնաւորաբար կենսական էին Հայաստանի, Արցախի եւ Լիբանանի մեր համայնքներու ապաքինումի գործընթացին համար:

Միութեան Մարդասիրական օգնութեան հիմնական ծրագիրները շարունակուեցան 2021-ի ընթացքին, սննդամթերքի եւ ուտելիքի մատակարարման, բնակարաններու եւ դպրոցաշէնքերու վերանորոգման եւ այլ ուղղութիւններով: Կարիքաւորներու եւ ծանր պայմաններու մատնուած մարդոց մէջ թիւը նկատի ունենալով, անհրաժեշտ էր որ ապահովէինք նաեւ միջազգային կազմակերպութիւններու աջակցութիւնը, հասնելու համար աղէտնալներու եւ անոնց ընտանիքներու բազմապիսի կարիքներուն: Այս առնչութեամբ, տեղին է նշել շարք մը նոր ծրագիրներ, ինչպէս *Հայեր Միացե՛ք՝ Armenians Come Together (ACT)*, նաեւ արդէն գործող ծրագիրներէն *Հայաստան Կենաց Երկիր՝ Arménie, Terre de Vie* եւ *Յայտնաբերէ Հայաստանը (Discover Armenia)* ծրագիրները, որոնք նոր շեշտադրում ստացան եւ պիտի շարունակեն հազարաւորներու օգտակար հանդիսանալ յառաջիկայ տարեշրջանին: Առաւել եւս, տնտեսական-հասարակական զարգացման ծրագիրները շարունակեցին արդիւնաւորուիլ խորհրդատուական եւ տարբեր մարզերու մէջ վերապատրաստութեան եւ արհեստավարժութեան մակարդակի բարելաւումին նպաստող ծրագիրներով, որոնց կ'օժանդակէր կամաւորներու մեր լայն ցանցը իր մարդուժով: Մեր կամաւորները եւ պաշտօնէութիւնը, համաշխարհային նոր իրադրութեան պահանջներուն համապատասխան միջոցներով եւ գործելակերպով, ապագային ուղղուած նոր հարթակներ ստեղծեցին, արդիւնաւորութեամբ իրականացնելու համար Միութեան ծրագիրները: Նոյն ոգիով, անցնող Փետրուար ամսուն կայացած մեր 91-րդ Ընդհանուր Ժողովը, որ առաջին անգամ ըլլալով տեղի ունեցաւ առցանց դրութեամբ, յաջողեցաւ ապահովել ցարդ մեծագոյն թիւով եւ ամենատարբեր խաւերէ միութենականներու մասնակցութիւնը: Համոզուած ենք, որ հաղորդակցական ճարտարագիտութեան նոր զարգացումներով, ըլլայ

դէմ առ դէմ կամ առցանց, հայեր պիտի կարենան առաւելագոյնս խնդավառել զիրար եւ աջակցիլ իրարու:

Մենք կոչ կ'ուղղենք սփիւռքի հայ համայնքներուն, իրենց կարելիութիւնները կեդրոնացնելու հայրենիքի մէջ գործադրող յատուկ նախաձեռնութիւններու իրականացումին ուղղութեամբ: Անհրաժեշտ է որ մեր շրջանակները, մասնաճիւղերը, դպրոցները եւ Երիտասարդ Արհեստավարժներու խումբերը, մշտական կապի մէջ ըլլան մեր հետ յառաջիկայ տարուան ընթացքին, յաւելեալ թափով իրականացնելու համար համագործակցական նախաձեռնութիւնները:

Անշուշտ մենք պիտի շարունակենք մօտէն հետեւիլ Հայաստանի կառավարութեան կողմէ դրացի երկիրներուն հետ յառաջ տարուող բանակցութիւններուն, տարածաշրջանի յետ-պատերազմեան աշխարհաքաղաքական խնդիրներու լուծման ուղղութեամբ: Արցախի անվտանգութեան, Հայաստանի սահմաններու սահմանազատման եւ սահմանագծման կապուած այդ քննարկումները կը վերաբերին խնդիրներու, որոնք Եապէս կապուած են մեր երկրի անվտանգութեան, տնտեսական զարգացման եւ մեր համընդհանուր ազգի բարօրութեան հիմնահարցերուն:

Մինչ կը պատրաստուինք դիմաւորել Նոր Տարին, կը հրաւիրենք բոլորը, միասնաբար նոր միջոցներ փնտռելու, որպէսզի բազմապատկենք մեր առաքելութեան ազդեցութիւնը: Այսօր ամբողջովին նոր իրականութիւն մը կը դիմագրաւենք: Հ.Բ.Ը.Մ.ը կը շարունակէ ստեղծարար նոր միջոցներ որոնել, որոնք կը նպաստեն կրթութեան ու մշակոյթի զարգացման եւ հաղորդակցութեան սերտացման: Կոչ կ'ուղղենք բոլորին միանալու մեր առաքելութեան: Պէտք է հաստատ մնալ այս ուղեգիծին վրայ, յանձնառու մնալով սփիւռքին եւ հայրենիքին:

Հ.Բ.Ը.Մ.ը իր առաքելութեամբ փաստած է դարաւոր փիլիսոփայութեան այն միտքը, թէ մեծ տագնապներու կը հետեւին նոր առիթներ: Մենք այս իմաստուն միտքի ոգիով պիտի դիմագրաւենք այն ինչ Նոր Տարուան ընթացքին մեզի համար վերապահած է աշխարհը: Անշուշտ այդ բոլորը կարելի պիտի ըլլայ մեր նպատակասէւեռ կամաւորներու լայն ցանցին, պաշտօնէութեան, առատաձեռն նուիրատուներուն եւ վստահելի գործընկերներուն աջակցութեամբ միայն:

Առողջ եւ բարեբեր Նոր Տարուան անկեղծ մաղթանքներով՝

Այո՛, Որոշա՛ծ Ենք Ապրիլ

ՍՏԻ ՆՈՒՈՒՏԵԱՆ

Հայ-թրքական դարաւոր պատերազմի 2021-ի աշնանային փուլին արդիւնքը եղաւ այն ինչ եղաւ: Այսօր մենք մեր առջեւ ունինք կատարուած փաստ մը, որ պարտաւոր ենք հաշուի առնել: Չենք կրնար հաշուի չառնել, պատրանքներու մէջ նորէն իյնալու իրաւունքը չունինք: Սակայն անմիջապէս յստակացնեմ հաշուի առնել բնա՛ւ չի նշանակեր հաշտուիլ կատարուած իրողութեան հետ: Իսկ եթէ տարածաշրջանային ու միջազգային տերութիւններ ու կառոյցներ մեր ազգին կը փորձեն պարտադրել այդ իրողութիւնն ընդունիլ, ապա մենք այդ կրնանք, յոռեգոյն պարագային, կատարել միմիայն ժամանակաւորապէս, մինչեւ որ իսկապէ՛ս դասեր քաղենք մեր այս ու նախորդ պարտութիւններէն, ուժ հաւաքենք եւ կշիռքին նժարը հետագային փոխենք ի նպաստ մեզի:

Մենք միշտ պէտք է գիտակցինք, որ հայ-թրքական պատերազմը դարերու պատմութիւն ունի ու դեռ շարունակութիւն պիտի ունենայ, այդ ուզենք թէ չուզենք, որքան ալ արտաքին ուժեր ու անոնց ներքին գործակալներ փորձեն հաշտեցում ու խաղաղութիւն քարոզել: Մեզի համար՝ այդ պատերազմը գոյապայքար է, ըլլալ-չըլլալու կռիւ, վերջին հաշուով՝ ան գոյապայքար է նաեւ թուրքիզմին համար: Ու այս երկու՝ զիրար բացառող գոյապայքարները կը հատուին Հայաստանի տարածքին վրայ:

Այսօր հայկական միջավայրին մէջ կը տիրէ համատարած յուսալքութիւն, նուազագոյնը՝ անտարբերութիւն այսօրուան ու ապագային նկատմամբ: Յուսալքուածներուն եւ յոռետեսութիւն տարածողներուն յիշեցնեմ ընդամենը վերջին 100-105 տարիներու կարգ մը իրողութիւններ:

- Ցեղասպանութեան աղէտէն ետք, երբ հարցական էր նոյնիսկ հայ ազգին գոյութիւնը, ծնունդ առաւ Հայաստանի Հանրապետութիւնը, եւ զայն ճանչցող առաջին պետութիւնը Օսմանեան Կայսրութիւնը եղաւ՝ ՀՀ-ի հետ կնքելով Պաթումի 4 Յունիս 1918-ի պայմանագիրը:

1918-ի Մայիսի սարդաբապատեան հերոսամարտերը թուրքին պարտադրեցին մեր գոյութեան իրաւունքը այս արեւի տակ:

Մշակութային Արձագանգ

Նոր Հրատարակություններ

Պատրաստե՛ք՝ ԳԵՈՐԳ ՆԱԹԱԼԻ (ԵԱԶԸՃԵԱՆ)

– «Արեւելքի ռազմաճակատին 100 տարի ետք – Հայաստանն ու Արաբական Արեւելքը պատերազմներու եւ խաղաղութեան միջեւ. Միջազգային համաժողովի նիւթեր, Լիոն, 9-10 նոյեմբեր 2018», «Թատե» (Thaddée) հրատարակչութիւն, Փարիզ, 264 էջ (նշուած միջազգային համաժողովի ելոյթներու ժողովածուն) (Ֆրանսերէն):

– Բախչինեան Արծուի եւ Ասատրեան Յակոբ, «Հայերը Չեխիայում եւ Սլովակիայում (սկզբից մինչև մեր օրերը)», ՀՀ ԳԱԱ պատմութեան հիմնարկի հրատարակչութիւն, Երեւան, 2021, 247 էջ:

– Բախչինեան Հենրիկ, «Հայ միջնադարեան բանաստեղծութիւնը», Ա. հատոր՝ «Ոսկեդարից՝ Նարեկացի», «ՎՄԿ-փրինթ» հրատարակչութիւն, Երեւան, 2021, 391 էջ:

– Բախչինեան Հենրիկ, «Շարականներ. 12-14-րդ դարեր. գրաբար եւ աշխարհաբար», «Սարգիս Խաչենց - Փրինթինֆօ» հրատարակչութիւն, Երեւան, 2021, 431 էջ:

– Բախչինեան Հենրիկ, «Ֆրիկի բանաստեղծական ժառանգութիւնը. Բնագրեր եւ քննութիւնը», հրատարակչի՝ Թեքէեան մշակութային միութիւն, «ՎՄԿ- փրինթ» հրատարակչութիւն, Երեւան, 2021, 444 էջ:

– Գրիգորեան Արմինէ, «Թերթապատում (1910-1911 թթ. – Մամուլի անդրադարձները Կոմիտաս վարդապետի մասին)», «Անտարես» հրատարակչութիւն, Երեւան, 2021 (1910-ի յունիս-1911-ի վերջ ժամանակաշրջանին Պոլսոյ, Իզմիրի եւ Եգիպտոսի մէջ

Կոմիտասի գործունեութեան մասին լրատուական ու հեղինակային բնոյթի 272 միաւոր մամուլային հրապարակումներ արեւմտահայ թերթերէ, լուսանկարներ): Հրատարակուած է «Վերածնունդ» մշակութային եւ ինթելեքթուալ հիմնադրամի աջակցութեամբ:

– Եկաւեան Տիգրան, «Հայաստանի աշխարհաքաղաքականութիւնը», յառաջաբանը՝ Ժերար Շալիանի, «Աշխարհաքաղաքականութիւն» մատենաշար թիւ 3, «Պիպլոմոնտ» հրատարակչութիւն, տպարան «Սմիլքով փրինթ», Փարիզ, դեկտեմբեր 2021, 176 էջ (14,9 x 21 սմ.) (Հայաստանի պատմութիւնը, ՀՀ-ի արտաքին քաղաքականութիւնն ու անոր վերլուծումը յետանկախական ժամանակաշրջանին, բազմաթիւ գունաւոր քարտէսներ եւ լուսանկարներ, համառօտ ժամանակագրութիւն, առարկայացանկ, օգտագործուած գրականութեան ցանկ) (Ֆրանսերէն):

– Լիպարիտեան Ժիրայր, «Հայաստան-Թուրքիա. Պետականութիւն, պատմութիւն, քաղաքականութիւն», խմբագիրներ՝ Կարինէ Յարութիւնեան եւ Սեդա Հաքիմեան, «Անտարես» հրատարակչութիւն, Երեւան, 2021, 432 էջ (17 x 24 սմ.) (հեղինակին՝ հայթըրական հակամարտութեան մասին հարցազրոյցներու, հրատարակուած եւ անտիպ յօդուածներու եւ նիւթերու ժողովածուն):

– «Ձայն արցախական», կազմող եւ խմբագիր՝ դոկտոր Հրանդ Մարգարեան, «XX դարի հայ

գրականութիւն» մատենաշար թիւ 1, խմբագրական կազմ՝ Դաւիթ Միքայէլեան, Ամալիա Գրիգորեան եւ Հերմինէ Աւագեան, ներածականի հեղինակ՝ Ամալիա Գրիգորեան, ծրագրի համադրող՝ դոկտոր Հրանդ Մարգարեան, «Արմաւ» հրատարակչութիւն, Երեւան, դեկտեմբեր 2021, 500 էջ (արցախցի 49 գրողներու ստեղծագործութիւններու ընտրանի-ժողովածու): Լոյս տեսած է հայ գրականութիւնը սիրող մեկենասներու նիւթական միջոցներով: «Գիրքի վաճառքին եկամուտը պիտի յատկացուի Արցախի գրողներուն»: Դիմել hamazkayinny@yahoo.com:

– Ճըպրան Խալիլ Ճըպրան, «Մարգարէն», վերահրատարակութիւնը՝ «Ապրիլ» գրատան (Լոս Անճելոս), անգլերէնէ արեւմտահայերէն թարգմանութիւնը՝ Վահէ Վահեանի, կողքի գծագրութիւնը՝ Փոլ Կիրակոսեանի, Նախաբանը՝ Արփի Սարաֆեանի, Լոս Անճելոս, 160 էջ (15 x 22 սմ.) (յառաջաբան-ուսումնասիրութիւն գիրքին ու անոր հեղինակի մասին, Ճըպրանի վրձինին պատկանող 12 կտաւներու լուսանկարներ):

– Նժդէհ (Տէր Յարութիւնեան) Գարեգին, «Չխրատուող ժողովուրդը», կազմող, խմբագիր եւ ծանօթագրութիւններու հեղինակ՝ գրականագետ Արմէն Սարգսեան, «Անհատներ» մատենաշար, «Վերնատուն» հրատարակչութիւն, Երեւան, 2021, 248 էջ (16 x 23 սմ.) (Նժդէհի՝ մեր յաղթանակներու եւ պարտութիւններու պատճառները քննարկող եւ ռազմարդիւնաբերութեան անհրաժեշտութիւնը շեշտող գրքոյկներու ու յօդուածներու վերահրատարակութիւն-ժողովածու՝ վերածուած գրական

արեւելահայերէնի, ծանօթագրութիւններ):

– Շիրինեան Լեւոն Ղ., «Հայաստանը իրավաքաղաքական իրողութիւնների չափումներում (XX-XXI դդ.)», խմբագիր՝ Տ. Տ. Զոչարեան, հեղինակային հրատարակութիւն, Երեւան, 2020, 448 էջ (15,3 x 21 սմ.) (Հայկական հարցը 20-րդ եւ 21-րդ դարերում՝ իրաւական ու քաղաքական դիտանկիւններէ, երեք քարտէս): «Հրատարակութեան է ներկայացրել ՀՀ ԳԱԱ փոխտնօրէնի, սոցիոլոգիայի եւ իրաւունքի ինսթիթուտի քաղաքական հետազոտութիւնների բաժինը»: Տպագրուած է Լոս Անճելոսէն Լեւոն Թորոսի եւ ընկերներու նիւթական աջակցութեամբ:

– «Վան-Վասպուրականի հերոսամարտը», երկրորդ՝ լրամշակուած հրատարակութիւն, կազմող՝ Ռոմիկ Յովսէփեան, հեղինակային հրատարակութիւն, «Մեկնարկ» ՍՊԸ-ի տպարան, Երեւան, 2021, 178 էջ (18 x 25,1 սմ.) (գունաւոր ու սեւ-ճերմակ բազմաթիւ լուսանկարներ, անձնանուններու ցանկ):

– Զահիայէ Ժոզէֆ, «Քարտինալ Գրիգոր-Պետրոս ԺԵ. Աղաճանեան եւ հայ կաթողիկէ պատրիարքներու կենսագործունեութիւնը», «Մեծեր մեր յիշողութեան մէջ» մատենաշար թիւ 1, «Նասման» հրատարակչութիւն, Ճիւղի-Լիբանան, դեկտեմբեր 2021 (փարիզաբնակ հալէպցի հեղինակը կը ներկայացնէ ոչ միայն քարտինալ Աղաճանեանի, այլեւ Հայ կաթողիկէ եկեղեցւոյ մասին հանրագիտարանային բնոյթի տեղեկութիւններ) (արաբերէն): Լոյս տեսած է քարտինալ Աղաճանեանի վախճանման 50-րդ տարելիցին առթիւ:

Առողջապահական

Ինչպե՞ս Խուսափիլ Գինովութենէ Տոնական Օրերուն

Նոյնիսկ ամանորի տօներուն պէտք չէ չափազանցել ալքոլային խմիչքներ խմելը: Իսկ գինովնալէ խուսափելու համար, սննդագետ Իննա Զոնոնենքոն կը յանձնարարէ հետեւիլ քանի մը պարզ կանոններու: Մասնագետին խօսքով՝ ալքոլային խմիչքներ օգտագործելէն առաջ պէտք է ուտել: Անօթի եղած ժամանակ խմելը շատ վատ գաղափար է: «Ճարպերով, ածխաջուրերով եւ սպիտակուցներով հարուստ ուտելիքը կը նուազեցնէ իւրացումը, եթէ կ'օգտագործուի ալքոլէն առաջ կամ խմելու ընթացքին», - ըսած է մասնագետը:

Մասնագետը նաեւ նշած է, որ

աւելի լաւ է ալքոլին հետ սեւ թէյ խմել: Կարելի է նաեւ սառն կամ ջուր աւելցնել գինիի կամ «շամփանիա»ի գաւաթին մէջ:

«Տօներուն, անշուշտ, կը մաղթեմ աւելի քիչ ալքոլ օգտագործել: Ի դէպ, օրկանիզմին խաբելու համար, կարելի է մէկ գաւաթ գինիի կամ «շամփանիա»ի մէջ սառն կամ ջուր աւելցնել: Ձեզի այնպէս կը թուի, որ շատ խմած էք, եւ գինովնալու ախտանշաններ աւելի քիչ կը յայտնուին», - ըսած է Մասնագետը: Կարելի է յիշել նաեւ, որ անմիջապէս չգինովնալու համար պէտք է դանդաղ խմել:

Պիստակը Օգտակար՝ Սրտանօթային Համակարգի Աշխատանքին

Պիստակը բարձր քալորի ունի, կը պարունակէ շատ ճարպեր: Սակայն, չնայած ատոր, պէտք է ներառել սննդականոնին մէջ՝ նիւթափոխանակութիւնը արագացնելու համար, ըսած է սննդաբան Թաթեանա Ռազումովսքայա:

Պիստակի օգտագործումը կը բարելաւէ սրտանօթային համակարգի աշխատանքը եւ կ'արագացնէ նիւթափոխանակութիւնը: Սննդաբանին խօսքով՝ պիստակին հիմնական սննդանիւթերէն մէկը B7-ն է կամ «պայոտին»ը, որ կ'օգնէ իւրացնելու սպիտակուցը եւ այրելու ճարպերը:

«Եթէ «պայոտին»ը բաւարար չէ,



ապա կը վնասուին մազերը եւ մաշկը, տրամադրութիւնը կը դառնայ «տիփրեսիվ», եւ արեան մէջ կրնայ բարձրանալ «վատ» քոլեսթերոլը», - ըսած է Ռազումովսքայան:

Շար. էջ 05

ՈՒՂԵՐՁ

Ն.Ս.Օ.Տ.Տ. Գարեգին Երկրորդ Ճայրագոյն Պատրիարք...

Սկիզբը էջ 01

Այդուհանդերձ, Նոր տարին դիմաւորում ենք յոյսով ու հաւատով, որ վերակերտելու ենք հայրենական մեր կեանքը եւ միասնական կամքով ամեն ջանք ի գործ ենք դնելու՝ յանուն Արցախի մեր ժողովրդի իրաւունքների պաշտպանութեան: Մենք Զրիստոսի յարուբեանը հաւատացող ժողովուրդ ենք, դարերի հոլովոյթում ցաւը, տառապանքն ու մահը մեզ երբեք չեն յաղթել, վեր ենք յառնել Տիրոջ պարգեւած շնորհի զօրութեամբ, վաղուայ օրուայ հանդէպ լաւատեսութեամբ: Հաւատում ենք, որ Աստծոյ ողորմածութեամբ եւ մեր ժողովրդի հաստատական յանձնառութեամբ փրկչական 2022 թուականը կը կարողանանք դարձնել ազգօգուտ եւ հայրենաշէն իրագործումների տարի: Հայաստանի զօրացման, Արցախի ազատ ու ապահով կեանքի, աշխարհասփիւռ մեր ժողովրդի վերելքի եւ յարատեւութեան ուղին մեր համախմբումն է ապագայի համընդհանուր տեսլականի շուրջ, ինչպէս եւ՝ ազգային ու հոգեւոր արժէքների վրայ խարսխուած ապրելակերպն ու գործերը: Ամենուր, ի սեր հայրենիքի, վերատեսութեան ենթարկենք մեր ընթացքը, թօթափենք անհանդուրժողութեան եւ ատելութեան չարիքը, հրաժարուենք անպատասխանատու, ազգամուս խօսքերից ու արարքներից, լինենք բարի, լինենք սիրով, լինենք միասնական, որպէսզի վերստին զգանք Աստծոյ շնորհաբեր ներկայութիւնը մեր կեանքում: Մեր տարածաշրջանի բարդ զարգացումների եւ մեր երկրի առջեւ ծառացած մարտահրաւերների յանդիման՝ հզօր հայրենիքի կերտման ձգտումներում չենք կարող յաջողել, եթէ նախ չվերականգնենք վստահութեան մթնոլորտը, չվերահաստատենք մեր ներքին խաղաղութիւնը: Մեր նահատակ զաւակների սրբազան յիշատակի առջեւ խոնարհոււմով ու երախտագիտութեամբ եւ հայրենիքի ու ազգի հանդէպ մեր հերոսների անձնուիրումի ու սիրոյ օրինակով ամեն կարելին ի գործ դնենք երկրի ու պետութեան առաջընթացի, համայն մեր ժողովրդի բարօրութեան համար: Ամուր ու անսասան մնանք համազգային շահով առաջնորդուելու նախանձախնդրութեան մէջ, եւ Աստուած մեզ համար պիտի աճեցնի արդարութեան պտուղները (հմմտ. Բ Կորնթ. 9.10):

Տարեմուտի նուիրական այս պահին հրաւիրում ենք բոլորիդ միասնաբար աղօթելու, որ Բարձրեալ Տիրոջ օրհնութեամբ իրականութիւն դառնան մեր բարի ձգտումները անձնական, ընտանեկան, ազգային ու հայրենական կեանքում: Աղօթենք Հայոց բանակի, հայրենիքի սահմանները հսկող մեր զինուորների համար: Աղօթենք բոլոր նրանց համար, ովքեր իրենց ծառայութեան մէջ են դիմաւորում Ամանորը: Աղօթենք նեղեալների, կարիքաւորների, հիւանդների, հաշմանդամ դարձած, գերեզարուած եւ անյայտ կորած մեր որդիների եւ նրանց վշտակիր ընտանիքների համար: Աղօթենք Սիրիայում, Լիբանանում եւ Իրաքում դժուարութիւնների մէջ ապրող մեր զաւակների համար, որպէսզի Երկնաւոր Տիրոջ զօրակցութեամբ յաղթահարուեն նրանց առջեւ ծառացած խնդիրները:

Հայցենք խաղաղութիւն ու անվտանգութիւն Հայաստան ու Արցախ մեր հայրենիքին, աշխարհասփիւռ մեր ժողովրդին եւ համայն աշխարհին: Եւ Աստուած, որ ... մեզ տուեց յաւիտենական միութեարութիւն եւ բարի յոյս, իբրեւ շնորհ, թող միութեարի եւ հաստատ պահի մեր սրտերը ամեն բարի խօսքի եւ գործի մէջ (հմմտ. Բ Թեսալ. 2.15-16): Թող Տիրոջ սերը, ողորմութիւնն ու օրհնութիւնը միշտ լինեն մեզ հետ եւ ամենքի: Բարի Նոր տարի:

Առողջապահական

Պիստակը Օգտակար՝ Սրտանօթային Համակարգի Աշխատանքին

Սկիզբը էջ 04

Անոր խօսքով՝ պիստակին մէջ գտնուող «քալիում»-ի եւ «մակնիզիոլում»-ի մեծ քանակը կ'օգնէ զօրացնելու անօթները եւ կանոնաւորելու սիրտին զարկը: Մասնագետը մեծերուն կը յանձնարարէ օրական օգտագործել մինչեւ 15 պիստակ, իսկ փոքրիկներուն՝

7-էն ոչ ակնի:

Այնուամենայնիւ, պէտք չէ մոռնալ, որ պիստակը կրնայ «ալերժի» ստեղծել: Բացի ատկէ, այս արտադրութեան «քալորիականութիւնը» բարձր է՝ 100 կրամ պիստակը կը պարունակէ մօտաւորապէս 550-560 «քիլոքալորի»:

Afnil.com

ՊԱՏԳԱՄ

Ս. Ծննդեան Պատգամ

Սկիզբը էջ 01

Հետեւաբար, նուիրական այս առիթով, պէտք է սիրոյ սերտ կապ հաստատենք մեր Արարիչին հետ եւ հաւատքի ճիգով ալ մեր գիտակցութեան մէջ Նոր հորիզոններ բանանք, որպէսզի Զրիստոսի ծնունդին մէջ կարենանք տեսնել Նաեւ մեր սեփական անձին ծնունդը եւ տեսնել ու զգալ Նաեւ, թէ ինչպէ՞ս Արարիչը սիրեց մարդը, երբ անոր վրայ տեսաւ Իր հաստատած շունչին դրոշմը:

Պատմութեան ընթացքին, մարդը յաճախ մոլորած է եւ հեռացած իր Արարիչէն ու մեղքին պատճառով այլասերած, անառակ դարձած ու ակերած է իր կեանքը: Այսուհանդերձ, նախախնամութեան տնօրինումով, ան չէ կորսնցուցած կրկին բարձրանալու, աճելու եւ մեծնալու, շինելու եւ ստեղծագործելու իր կարողութիւնն ու կամքը: Այդ իսկ պատճառով, Զրիստոս, որ պատմութեան ընթացքին մէկ անգամ ծնաւ մարմնով, ամեն օր կը յայտնուի մարդուն, որպէսզի զայն սրբէ եւ Եղեմական դրախտի շքեղ մեծութեան վերադարձնէ, ուր, ինչպէս Աստուածաշունչը կ'ըսէ, մարդը կ'ապրէր անցաւ եւ անմահ կեանքով՝ զերծ ամեն տեսակի կարիքներէ ու կարօտէ:

Սուրբ Ծնունդը, Աստուծոյ կողմէ մարդուն տրուած եզակի շնորհք մըն է: Աստուած երկինքէն երկիր կու գայ, որպէսզի մարդը կարենայ սրբութեան շնորհքով վերանորոգուիլ եւ տեսանելիէն անդին, Նաեւ Նայիլ անտեսանելիին եւ շօշափել ու ապրիլ յաւիտենականը:

Ուստի, մեր անձերուն մէջ Աստուծոյ շունչէն ու լոյսէն մասնիկներ որոնելով, փորենք յատակէն վեր բարձրանալու ճիգ կատարել ու մեր ապրած միջավայրին մէջ ալ հաւատքի եռանդ գետեղել: Մասնաւորաբար մեզ կազմաւորող կեանքի ներկայ տագնապալի պայմաններուն մէջ, պէտք չէ տարակուսիք Աստուծոյ ամենագործ մեծութեան վրայ եւ պէտք չէ կորսնցնենք երկնային լոյսը:

Ս. Ծնունդը երկնաւոր լոյսին պարզեւը մեզի բերող առիթ է: Ահաւասիկ, մեր Փրկիչը մեզի կու գայ, մեզ սփոփելու, յուսադրելու, գալիք մորիկներուն դէմ մեզ պաշտպանելու եւ իր հովանին մեր վրայ տարածելով, մեզ իր փրկաւետ տապանին տանելու առաջադրանքով: Մեր Փրկիչը մեզի կու գայ, որպէսզի աստուածային մեծութեան շնորհքին մեզ տանելու ծրագրով: Ուստի, երկնային լոյսէն զրկուած ըլլալու զգացումով, հաւատքով դառնանք Աստուծոյ, որպէսզի յանուն վաղուան մեր գոյութեան, Նոր իրագործումներու հրաշքը վերադարձնենք մեր կեանքին:

Մասնաւորաբար ներկայ համատարած ողբերգական պայմաններուն մէջ, պէտք է յիշենք, որ երկինքին չեն Նայիր աշխարհէն յուսահատած ըլլալու պատճառով, այլ երկնային լոյսը աշխարհին բերելու հաւատքով: Ուստի, աստղագարդ տիեզերքի մը տեսարանը պարզելու համար մեր հոգեկան աշխարհին մէջ, պէտք է հաւատքի ճիգով երկնային լոյսը փնտռենք եւ հոգիի աչքերով մեր Աստուածը տեսնելով, աշխարհէն ներս ուրիշ աստուածներ չշինենք մեզի համար:

Ներկայ անկումային պայմաններուն մէջ, Նաեւ պէտք չէ առիթ տանք, որ մեր ազգային կորովը քայքայուի, մեր ժողովուրդին գիտակցութիւնը պղտորի, մեր ազգային հաւատքը շիջի: Այսօրուան անբաղձալի պայմաններէն դուրս գալու տենչով, հաւատքով կուրծք տանք մեզ կազմաւորող վիճակին, կենդանի պահենք իրարօգնութեան ոգին եւ զոհողութեան արարքներով պահպանենք մեր եկեղեցական ու համայնական կեանքը, պաշտպանենք տեսականոր կարիքներու մէջ գտնուող հայ անհատն ու հայ ընտանիքը, վառ պահենք մեր ժողովուրդին մօտ ազգային մեծ երազներու տեսիլքը եւ համատարած անկումային պայմաններուն մէջ ալ ձգտիք ստեղծել գեղեցիկ եւ երախտիքի արժանի ընտիր Նոր գործեր: Արդարեւ, պէտք չէ մոռնանք, որ դարաւոր տագնապներու ու փոթորիկներու բովէն անցած մեր ժողովուրդը, իր հաւատքին ու հոգեկան ամրութեան շնորհիւ, միշտ յաջողած է ոտքի կանգնիլ եւ իր գոյութեան համար գտնել լուսաւոր ուղի: Ուստի, ակնի խաղաղ եւ արդիւնաւոր ապագայի մը տենչով, փառք տանք Աստուծոյ, որ իր անուան զօրութեամբ, միշտ կը պահէ եւ կը պահպանէ մեր ժողովուրդին զաւակները եւ առիթ կ'ընծայէ, որ մեր կեանքէն ներս յայտնուող դժուարութիւնները փոշիանան եւ աճի աստուածային հրաշագործ ոգին:

Շնորհաւոր Նոր տարի: Թող համայն աշխարհին համար 2022 թուականը ըլլայ օրհնաբեր ու բոլորիս դիմաց բանալ լայն ու պայծառ ուղիներ: Զրիստոս ծնաւ եւ յայտնեցաւ: Ձեզ եւ մեզ մեծ ակնտիս:

Շահէ Արք. Փանոսեան,
Առաջնորդ

Եռաբլուրին Պատգամը

ԴՈԿՏ. ԶՐԱՅՐ ԺԵՂԵՃԵԱՆ

Լիբանանի քաղաքացիական պատերազմը ապրեցայ իր ամբողջությամբ: Պատերազմին ժամանակ հետաքրքրական էր, թե կեանքը երբեք չի կեցաւ: Մէկ խօսքով կեանքի պատմութեան սլաքը չի կասեցաւ: Ապրեցանք մեր կեանքերը անհատական, հաւաքական, գաղութային ու տակաւին, փորձեցինք կերտել ինչ որ կարելի էր: Եթէ այս երեւոյթը թուեցաւ անհասկնալի եւ նոյնիսկ տարօրինակ դուրսի մեր հարազատներուն կամ բարեկամներուն, բայց այդ բոլորը իրական էր:

Այո, կերտեցինք մեր կեանքերը: Դժուար եւ անապահով վիճակներու մէջ գացինք դպրոց, համալսարան, գործ ու տակաւին, ունեցանք գաղութային կեանք եւ պահեցինք հայկականը լիբանանեան իրականութեան մէջ: Եթէ ստիպուած էինք յարմարուիլ եւ կամ վերադասաւորել մեր կեանքերը անապահով վիճակներու մէջ ու տեղատարափ ռմբակոծումներուն պատճառով, բայց այդ բոլորը նոյնպէս կեանքի շարունակականութեան մէկ մասն էին: Երեւի մինչեւ այսօր կը փորձենք ընել նոյնը լիբանանեան անվերջանալի թուացող ու կրկնուող անորոշ եւ տագնապալի օրերուն մէջ: Նոյեմբեր 2021, Երեւան:

Քառասուն եւ չորս օրերու վրայ երկարած պատերազմէն ետք առաջին անգամն էր որ հայրենիք կ'այցելէի: Եթէ մէկ կողմէ կար կարօտը հողին, երկրին ու բարեկամներուն, բայց նոյնքան մտահոգութիւն եւ անձկութիւն: Ի՞նչ տեսակ Զայաստան մը պիտի տեսնէի քառասուն եւ չորս օրերու պատերազմէն ետք: Երեւանի փողոցներուն մէջ կար նոյն աշխուժութիւնը: Կեանքը իր ընթացքը բռնած էր եւ մարդիկ կը շարունակէին իրենց առօրեան: Պէտք էր դարձնալ վերոյիշէի Պէյրութի փորձառութիւնս: Իրավիճակը նոյնն էր Երեւանի մէջ: Կար տարբերութիւն մը սակայն: Երեւանի մէջ աւերուած շէնքեր ու փողոցներ չկային ինչպէս էր պարագան Պէյրութ: Պատերազմը Արցախի մէջ էր եւ նիւթական վնասը հոն էր: Պէյրութի պարագային եթէ տեսանք եւ կերտեցինք կեանքի յառաջխաղացքը, բայց փլատակներու հետքերը միշտ պիտի յուշէին, թէ պատերազմը անցած էր մեր երկրէն:

Երեւանեան իրավիճակը զարմանալի չի թուեցաւ ինծի: Զայը, հայաստանցի պիտի շարունակէ ապրի ինչպէս ես եւ լիբանանցի: Եւ շարունակեցինք ապրիլ...:

Հապա պատերազմը:

Եռաբլուր:

Բլուրին ամբողջ տարածքին շիրիմները, յիշատակի կոթողները ու տակաւին եռագոյնները ծածկած էին ամէն տարածք: Զով-քովի մեր տղաքը: Կը հանգչի՞ն: Սկսայ անցնիլ իւրաքանչիւր շիրիմի քովէն: Նկարներ մեր մատողաշ, երիտասարդ եւ անուշիկ տղոց: Հապա տարիքները: Մեծ մասամբ հագիւ նոր իրենց գարուն տարիքը բոլորած: Նահատակ տղոց հարազատներն ալ կային: Ուզեցի խօսիլ անոնց հետ մինչ իւրաքանչիւր շիրիմի առջեւէն կ'անցնէի:



«Եղբայրս Է», ըսաւ երիտասարդ աղջիկ մը արցունքները սրբելով: Այդ շիրիմին քով ուրիշ հայր ու մայր մը կուլային իրենց զաւկին նահատակութիւնը: Նայեցայ տարիքին: Հագիւ քսան եւ մէկ տարիքը բոլորած: Սկսայ մտածել, թէ այս ծնողքը ինչպէ՞ս պիտի մխիթարուի: Ինչպէ՞ս պիտի կրնան տեսնել յոյսը, որ կեանքը կարելի պիտի ըլլայ շարունակել եւ առանց իրենց երիտասարդ զաւակին:

Խուկնը լեցուցած էր Եռաբլուրը: Ծաղիկները ձեռքս, կը փորձէի զետեղել զանոնք իւրաքանչիւր շիրիմի վրայ: Կ'ապրէի հարազատներուն լացը, կսկիծը, ցաւը ու տակաւին երիտասարդ մեր տղոց երազը: Երազը, թէ անոնք պիտի ապրէին իրենց կեանքերը հայրենի հողին վրայ, պիտի ունենային իրենց ընտանիքը եւ տեսնէին իրենց զաւակները եւ իրենք ալ հպարտանային: Ցաւը շատ մեծ է...:

Շարունակեցի: Տարեց կին մը նստած էր քարի մը վրայ եւ կը նայէր հանդիպակած կողմը իր հարազատի շիրիմին եւ անոր վրայ տեղադրուած նկարին: Աչքերը կարմրած էին: Յայտնի էր, որ արցունքները չորցած էին: Իսկ

կարմիր աչքերը քիչ մը աւելի կծկուած էին անոր դէմքին վրայ եւ կորած էին անոր նոյնքան տառապած եւ յոգնած մարմնին մէջ:

Զուշացաւ հարցումս: «Ո՞վ կ'ըլլայ», հարցուցի յարելով աչքերս շիրիմին վրայ տեղադրուած նկարին: «Եղբայրս Է», ըսաւ տիկինը: Նայեցայ տարիքին՝ յիսունի մօտ էր: Ծիծղ է, որ տարիքով աւելի մեծ էր բաղդատած միւս նահատակներուն, բայց տիկնոջ եղբայրն է եւ երեւի իր միակ ընտանիքը: Ուրիշը չունէր եւ այլեւս ուրիշ տեղ ալ չունէր երթալու եւ պատճառ ալ չունէր ուրիշ տեղ ապրելու: Իր միակ հարազատ-ընտանիքն էր իր եղբայրը եւ ան այսօր չկայ: Եւ ինք մնացած էր միւսակ: Եւ միւսակութիւնը պիտի անցներ իր նոր տան մէջ, Եռաբլուր: Եղբորը հետ ըլլալու համար իր այս յառաջացած տարիքին մէջ:

Բաւական երկար նայեցայ կնոջ: Իր այս տարիքին համար այս ցաւը շատ չէ՞: Բայց ինչպէս պիտի ամոքէ իր ցաւը: Ո՞վ է իր ընտանիքը ասկէ ետք: Ու հապա տո՞ւնը:

«Բաւական սխալներ գործեցինք»: Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն է: Մայր Աթոռ Սուրբ Էջմիածնի մէջ յատուկ հանդիպումի մը ընթացքին, Վեհափառ Հայրապետը սկսաւ մէկ-մէկ քակել իր սրտին ու մտքին մէջ կուտակուած մտահոգութիւնները: «Ազգը, պետութիւնը եւ հայրենիքը անցան ու տակաւին դժուար պայմաններու մէջէն: Եկեղեցին չի կրնար անտարբեր մնալ այս բոլոր անցուղարձներուն նկատմամբ: Եկեղեցին վեր է ամէն կուսակցութիւններէ եւ խմբաւորումներէ եւ կը գործէ հայրենիքին բարօրութեան համար: Բայց միեւնոյն ժամանակ եկեղեցին իր ըսելիքը եւ ընելիքը ունի», ըսաւ Վեհափառ Հայրապետը:

«Հայաստան-սփիւռք յարաբերութիւնները պէտք է վերականգնել»: Սփիւռքի աշխատանքներու գլխաւոր յանձնակատար Պրն Չարեհ Սինանեանի հետ բաւական խօսեցանք Հայաստան-սփիւռք յարաբերութիւններուն մարտահրաւերներուն մասին: «Անհրաժեշտ է, որ մեր տարբերութիւնները եւ տարակարծութիւնները վեր առնենք աւելի ուսանելի ձեւով եւ փորձենք հասարակ յայտարար մը գտնել բոլորին միջեւ», եղաւ ներդրումս: Պրն Սինանեան ունի ծրագիրներ եւ կը փորձէ կամրջել զանոնք սփիւռքի տարբեր գաղութներուն հետ:

Շարունակեցի: Կ'ուզէի տեսնել, հանդիպիլ, լսել եւ խօսիլ:

Տիկ. Աննա Զուլեան ազգային գրադարանի տնօրէնն է, որ աշխուժ աշխատանք կը տանի իր նոր ստանձնած պատասխանատուութեան մէջ:

Տիկ. Աստղիկ Մարապեանը, որ կրթութեան նախարարութեան մշակոյթի եւ ազգային ավանդի պետն է: Ան կը գիտակցի մշակոյթի մեծ ժառանգին եւ անոր պահպանումին կարեւորութեան եւ հասանելի դարձնել զայն օտար շրջանակներու մէջ:

Պրն. Գրիգոր Արշակեանը, ազգային արխիւի տնօրէն, որ մեծ աշխատանք կը տանի հայ ժողովուրդի պատմութիւնը պահպանելու համար:

Լուսինէ Թանաճեանը եւ Սոնա Ներսիսեանը սփիւռքի հետազոտութիւններու բաժնի հնագիտութեան եւ ազգագրութեան ինստիտուտի երկու երիտասարդ գիտաշխատողները, որոնք այնքան մասնագիտական աշխատանք կը տանին հաւաքելու եւ ուսումնասիրելու հայկական սփիւռքի տուեալները ու աւելիով ճանչնալու զանոնք: «Պէտք է աւելի զիրար ճանչնանք եւ հասկնանք», Լուսինէն է խօսողը: «Եւ այս տեսակի հանդիպումները մեծապէս կ'օգնեն, որպէսզի մեր յարաբերութիւնները զարգանան եւ հաղորդակցութիւն ստեղծուի», ըսաւ ան:

Երեւանի մէջ շատ բան կայ ընելու: Հարցազրոյցներս տեղեկատուութեան եւ հեռատեսիլի ցանցերու մէջէն՝ Նոյեան Տապան, Երկիր Մետիա, Սիվիլնէթ ու տակաւին: Ինչքան ուժ եւ կարողականութիւն կայ Հայաստանի մէջ: Ու տակաւին ներդրում մտքի եւ կարողականութեան եւ նոյնիսկ սփիւռքէն: Հայաստանը քառասուն եւ չորս օրուայ պատերազմէն ետք: Կեանքը կը շարունակուի եւ պատմութեան սլաքը կարելի չէ կասեցնել: Բայց այդ շարունակութեան մէջ կայ ահաւոր ցաւը: Ցաւը Եռաբլուրի որ շատ ցայտուն է: Մեր մատողաշ տղոց եւ անոնց գարուն տարիքի ընդհատումը: Եւ այս ցաւը չի մոռցուիր: Պատմութեան եւ կեանքի սլաքին հետ, հայը պիտի շալկէ այս ցաւը: Եռաբլուրի ցաւը:

Բայց Եռաբլուրի ցաւին մէջ կայ պատգամ: Եւ պատգամը կու գայ նահատակ տղոց անշնչացած մարմիններէն: Անոնք կենդանի չեն, բայց իրենց ձայնը լսելի է: Անոնք կը ըսեն, «Հայրենիքը պէտք է պահենք: Հայրենիքը պէտք է կերտենք»:



Տեսակետ

Դեմոկրատները

ԱՐՄԵՆ ՅՈՎՍԵՓԵԱՆ

Պետք չի անպայման լրատուները բան հաղորդեն, որպեսզի իմանանք ինչ է կատարվում աշխարհում ընդհանրապես: Հենց այն, որ որոշ երեւոյթների մասին ոչինչ չեն ասում, արդեն ապացույց է ինչ-որ զարգացումների: Իսկ այսօր կար մի հետաքրքիր լուր, որին կանոնադաշտում նամակիս վերջում:



Մօտ 3 ամիս է լուր չկայ Զալիֆորնիայի դեմոկրատ նահանգապետ Նիլսամից: Նա Նասսի Փելոսիի զարմիկն է: Նախքան դա՝ ամեն օր մի քանի լուր կար իրենից, բայց հիմա՝ քար լռության: Նոյնը՝ որոշ Գոնկրեսականներից:

Ինձ թվում է, որ Դեմոկրատ կուսակցության մեջ պառակտումն ու բախումները շատ ավելի սուր են՝ ինչ ես ենթադրում էի. Փաստը... Լրատուների անճար վիճակը դիրքորոշություն առնումով: Նաեւ, ես կարծում եմ Զալիֆորնիայի նահանգային իշխանություններում հիմա մեծամասնություն են երիտասարդ դեմոկրատները, որոնք ուզում են հիմնական մեծ փոփոխություններ բերել այդ կուսակցության մեջ: Այս ամենը ենթադրում եմ, քանի որ ինքս հեռու եմ այդ միջավայրերից, բայց կարողանում եմ լրատուներին հետեւելով՝ նրանց խօսքը կարդալով, կամ լռությունը տեսնելով՝ ինչ-որ ենթադրություններ անել: Հաւանաբար, Զալիֆորնիան հիմա գտնուում է երիտասարդ դեմոկրատների ազդեցության տակ: Այլապես՝ ինչ իմաստ ունի դեմոկրատ նահանգապետի մասին ոչ-մի լուր, ոչ-մի նորություն չհաղորդել: Ներքին առճակատումներն այդ կուսակցության մեջ մեծ են, որը կարող է որոշիչ դեր ունենալ ԱՄՆ-ի քաղաքական զարգացումներում եւ աշխարհում: Վաղուց՝ տարիներ առաջ, զգացել եմ այդ ներքին բաժանումները, եւ սկսեցի գրել իմ կարծիքը: Եղան մարդիկ, որ հակադարձեցին՝ ասելով՝ թե դու՝ Նոր ԱՄՆ-ում, չգիտես քաղաքական միջավայրը, չես ճանաչում ոչ ոքի, եւ քո դատումները սխալ են, հեռու են իրականությունից: Բան չունի ասելու նրանց. մտածում էի՝ գուցե ճիշտ են: Բայց հիմա, երբ որ Նորից կարդում եմ իմ գրություններն ու Էլ-Նամակները, տեսնում եմ ես ճիշտ էի:

Գուցե մարդն ունի միջավայրը զգալու ինչ-որ ունակություն, որ հաւանաբար բնատուր է, ու դա կապ չունի ոչ կրթության հետ, ոչ

Էլ մասնագիտության հետ: Դեմոկրատ կուսակցության այդ անփառունակ վիճակն այնքան զգալի ու տեսանելի էր ինձ համար, որ ոչ իմ կրթությունն ու անգլերենին չտիրապետելը, ոչ էլ մասնագիտական կրթություն չունենալը չխանգարեցին ինձ՝ գրել իմ տեսակետներն ու նախատեսությունները:

Յոյս ունեմ Դեմոկրատ կուսակցության մեջ կը յադթի Նոր թեւը/ թեւերը: Յոյս ունեմ կը յադթեն երիտասարդները. այլապես՝ հինը իրեն պարտադրելով, երկիրը կը գնայ դեպի ներքին լուրջ բախումներ՝ ընդհուպ մինչեւ քաղաքացիական պատերազմ: Յոյս ունեմ, խոհեմ կը գտնուեն մարդիկ:

Դեմոկրատ Գոնկրեսը դեռ չի վաւերացրել դեմոկրատ նախագահ Պայտընի առաջարկած պիւռնէ՝ 2022 թուականի համար: Ժամանակաւոր համաձայնութիւն կայ մինչեւ 2022-ի Փետրուարի 18-ի համար: Մի շաբաթ առաջ, Կոնգեսը վաւերացրեց միայն պաշտպանութեան համար՝ 2022 թուականի բուդջէն. մօտ 770 միլիարդ դոլար, որ 5 տոկոսով ավելի շատ է 2021 տարուանից: Մանրամասնություններ չեմ գրում:

Իսկ ո՞րն է նորությունը.-

Գոնկրեսի Ստորին պալատի դեմոկրատները պատրաստուում են փոխել խօսնակի Նասսի Փելոսին: Պատրաստուում են գահընկեց անեն նրան, ով մօտ 20 տարի զբաղեցնում է այդ պաշտօնը: Դժգոհությունը մեծ է նրանից ու այդ կուսակցության սպառնալիք/ վերջացած հներից: Հենց Նասսին շարքից հանեց 2024 թուականի նախագահական ընտրություններում Դեմոկրատ կուսակցության ամենահաւանական թեկնածու՝ Նիլ Եորքի նախկին դեմոկրատ նահանգապետին՝ ճանապարհը հարթելու համար իր զարմիկ՝ Զալիֆորնիայի ներկայ նահանգապետի համար: Ներքին այդ մաքրագործումներն Էլ յաւելեալ պատճառ դարձան ավելի սուր ներքին բախումների: Իսկ այդ պառակտումները երկար տարիների անցեալ ունեն. նորություն չեն:

Գոնկրեսի Ստորին պալատի խօսնակի համար ամենահաւանական թեկնածուն Նիլ Եորքից ընտրուած գոնկրեսական Hakeen Jeffries -ն է:

Դեմոկրատ պարագլուխները իսկապէս չէին նախատեսում, որ իրենց ստերն ու ԱՄՆ Գործադիր իշխանութիւնը զաւթելը շուտ է գալու հենց իրենց գլխին: Իսկապէս այդքան կարճատես էին: Չարմանալի է շատ: Ներքին այդ բախումներում ոչ-մի դեր չունեն հանրապետականները: Կարեւորութեամբ հետեւենք ԱՄՆ-ում տեղի ունեցող հասարակական, տնտեսական ու քաղաքական զարգացումներին. դրանց նշանակությունը համաշխարհային է: Այդ պարագլուխները ապագայ նախագահի թեկնածու գտնելով՝ տենդագին փնտռողների մեջ են, որ լինի իրենց թիմից... Սա էլ զարմանալի է շատ:

Եռաբլուրին Պատգամը

Սկիզբը Էջ 06

Անոնք նահատակուեցան, որպէսզի հայրենիքը գոյատեւէ: Մենք՝ ետեւ մնացողներս, Հայաստան, Արցախ եւ Սփիւռք, պիտի պահենք եւ կերտենք հայրենիքը: Եւ զայն պահելու եւ կերտելու համար պիտի վերականգնենք Հայաստան, Արցախ եւ սփիւռք եռակողմանի հաղորդակցութեան կապերը: Հաղորդակցութեան միջոցաւ է, որ մեր բոլոր տարակարծություններուն մէջէն պիտի կարենանք կերտել հասարակ յայտարարը,

որ պիտի դառնայ հայուն պատմութեան շարունակականութեան կոշտանը: Այն հասարակ յայտարարը, որ պիտի շինէ մեր «տունը»:

Եռաբլուրի ցաւը պիտի մնայ: Բայց մեր տողց անշնչացած մարմինները պիտի հանգչին երբ միասին համաձայնիք կերտել հայրենիքը: Եւ հայուն պատմութիւնը դնենք շարունակականութեան գործընթացին մէջ:

Պիտի կարենանք:

Եռաբլուրի ցաւը: Ու այդ ցաւին պատգամը:

Թե հայը պետք է պահէ ու կերտէ:

Պահէ հայրենիքը: Եւ կերտէ հայուն պատմութիւնը եւ դնէ զայն շարունակականութեան սլացքին մէջ: Պիտի ու պետք է որ ընենք:

ԲԱՆ ՈՒ ԳԻՐ

Աշխարհում սիրել եմ քեզ,
Իմ անգին, իմ լուսերես,
Մինչև ե՞րբ ախ, մինչև ե՞րբ
Իմ սիրտը պիտի վառես:

Դու ես իմ սերն անմար,
Ապրում եմ ես քեզ համար,
Հազար տարի կսպասեմ,
Միայն թե գաս, անգին եար:

Մեր ձեռքից կ'անցնեն կերթան
Օրերը ջախելութեան,
Մեր անենք, անուշ ընկեր,
Ժամն է ուրախութեան:

Դու ես իմ սերն անմար...

Լեյլիի սիրոյ նման
Իմ սերն է կրակ վառման,
Առանց սեր, դատարկ սրտով,
Չեմ ապրի ոչ մի վայրկեան:

Դու ես իմ սերն անմար...


ՍԱՐՄԵՆ

ՄՇԱԿՈՒԹԱՅԻՆ ՕՐԱՅՈՅՑ

04 2022
ՅՈՒՆԻՈՒՐ

Կրկ Երկ Երբ Զրբ Հնգ Ուրբ Շրբ

						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					



ԿԵՈՐԿԻ ԵԱԿՈՒԼՈՎ
(1884 – 1928)
«Չբօսանք կառքով»

Այո՛, Որոշա՛ծ Ենք Ապրիլ

Սկիզբը Էջ 03

- Ըստ յիշուած պայմանագիրին, ՀՀ-ը գոյութիւն առաւ շուրջ 12 000 քառակուսի քիլոմետրի վրայ: Մէկ տարի ետք, այդ տարածքը հասած էր շուրջ 75 000 քառ. քմ.ի, այսինքն ընդարձակուած էր աւելի քան ՎԵՑ ԱՆԳԱՄ:

- 1920-ի աշնանային պարտութենէն ետք, Ալեքսանդրապոլի պայմանագիրով, ՀՀ-ի տարածքը վերստին սահմանափակուեցաւ շուրջ 12 000 քառ. քմ.ով:

- Մոսկուայի ու Կարսի 1920-ի պայմանագիրներով, Խորհրդային Հայաստանի տարածքը դարձաւ 30 000 քառ. քմ.էն քիչ մը աւելի: Ի դէպ, Կարսի պայմանագիրով հայոց տրուեցաւ Նախիջեւանի սահմանին գտնուող Արագոյայան (հետագային՝ Երասխաւան) գիւղը, որու ռազմագիտական կարեւորութիւնը այսօր, աւելի քան երբեւէ, հսկայական է:

- Արցախեան ազատամարտին շնորհիւ, հայկական գերիշխանութեան տակ գտնուող տարածքը հասաւ 42 000 քառ. քմ.ի:

- 2020-ի աշնանային պարտութեան ու այս տարուան ատրպէյճանական թափանցումներուն հետեւանքով, այսօր այդ տարածքը կը կազմէ ընդամենը 33 000 քառ. քմ., այն ալ՝ ռուսական բանակի հետ բաժնեկցուող գերիշխանութեամբ:

- Կը թուի, թէ մոռցած ենք 1992-ի մայիսին Շուշիի փառաւոր յաղթանակէն ետք, Նոյն տարուան երկրորդ կէսին մեր ծանր պարտութիւնները, երբ Արցախի տարածքին կէտը ատրպէյճանական բանակը գրաւած էր եւ համատարած խուճապ էր Արցախի մէջ: Շնորհիւ ազգային Ներուժի կեդրոնացման, այդ վիճակը ոչ միայն գլխովին շրջեցինք 1993-ի գարնան, այլեւ յաջողեցանք շուրջ 8 000 քառ. քմ. հայրենի տարածք ազատագրել ընդամենը 1,5 տարուան ընթացքին:

Վերի թուային ու պատմական օրինակները ցոյց կու տան, որ պէտք չէ տրուիլ յուսալքութեան: Ընդհակառակը, վերստին պէտք է խելք գործածել, գոնէ մեր գոյապայքարի հարցին մէջ ունենալ ազգային համախոհութիւն եւ վիճակը շրջել ի նպաստ մեզի: Ըսածս երազային չէ, այլ շատ իրատեսական է: Այսօր ՀՀ-ի մէջ կը կազմաւորուի մարմնապէս, ռազմապէս ու հոգեբանութեամբ

ՅԱՅՏԱՐԱՐՈՒԹԻՒՆ

ՀԱՅՐԱԴԵՏԱԿԱՆ ՍՈՒՐԲ ՊԱՏԱՐԱԳ Ս. ԾՆՆՂԵԱՆ ՏՈՒՆԻ ԱՌԻԹՈՎ ԱՆԹԻԼԻԱՍԻ ՄԱՅՐԱՎԱՆՔԻՆ ՄԷՋ

Հինգշաբթի, 6 Յունուար 2022-ին, Ս. Ծննդեան եւ Աստուածայայտնութեան տօնին առիթով, Հայրապետական հանդիսաւոր Ս. եւ Ամմահ Պատարագ պիտի մատուցուի Անթիլիասի Մայրավանքի Ս. Գրիգոր Լուսաւորիչ Մայր Տաճարին մէջ:

Պիտի պատարագէ եւ ժողովուրդին Հայրապետական իր պատգամը ուղղէ

Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍ

Ժամերգութիւն՝
Ս. Պատարագ՝
Ջրօրինէք՝
Պատգամ՝

Ժամը 8:00-ին
Ժամը 10:00-ին
Ժամը 11:00-ին
Ժամը 11:15-ին

Սուրբ Պատարագի երգեցողութիւնը պիտի կատարէ Կաթողիկոսարանի «ՇՆՈՐՀԱԼԻ» երգչախումբը:

Կոչ կ'ուղղենք մեր ժողովուրդի զաւակներուն մասնակցելու Ս. Պատարագին, հաղորդուելու Ս. Ծննդեան խորհուրդով եւ լսելու Վեհափառ Հայրապետին պատգամը:

ԾԱՆՕԹ.-

- Ջերմօրէն կը թելադրենք մեր ժողովուրդի զաւակներուն, որ յարգեն քորոնա ժահրէն ապահով մնալու բոլոր նախապայմանները:
- Հինգշաբթի, 7 Յունուար 2021-ին, ՄԵՌԵԼՈՑԻ ՅԻՇԱՏԱԿԻ Ս. Պատարագ պիտի մատուցուի Անթիլիասի Մայր Տաճարին մէջ, առաւօտեան ժամը 10:00-ին:

ԴԻԲԱՆ ԿԱԹՈՂԻԿՈՍԱՐԱՆԻ

պատրաստուող աշխարհագոր, որ կրնայ իրականացնել այդ բեկումը: «Ողջ մնալու արուեստը» (ՈՄԱ), «Ազգային Լեզուն», «Նեմեսիս», «Ատան» եւ այլ կամաւորական աշխարհագորայիններ կը պատրաստուին հայ-թրքական պատերազմի նոր փուլին:

Թունուցի արաբ բանաստեղծ Ապու Կասեմ ալ-Շապպին ունի պայքարաշունչ քերթուած մը, որ կը սկսի այս երկտողով.

«Եթէ ժողովուրդը օր մը որոշեց ապրիլ, ճակատագիրը ստիպուած պիտի ըլլայ անոր ենթարկուելու,

Եւ խաւարը պիտի ցրուի, եւ շղթաները պիտի փշրուին»:

Մեր ազգը որոշա՛ծ է ապրիլ:

Պատասխանը վերնագիրին մէջ է:



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ ՀԱՅՈՑ

ԺԱՄԱՆԱԿԱՑՈՅՑ Ս. ԾՆՆՂԵԱՆ ԱՐԱՐՈՂՈՒԹԵԱՆՑ

Ճրագալոյց Ս. Ծննդեան
Սկիզբ ժամերգութեան
Ս. Պատարագ

Զորեքշաբթի, Յունուար 5, 2022
Երեկոյեան ժամը 4.00
Երեկոյեան ժամը 5:00

Տօն Ս. Ծննդեան
Սկիզբ ժամերգութեան
Ս. Պատարագ

Հինգշաբթի, Յունուար 6, 2022
Առաւօտեան ժամը 8.30
Առաւօտեան ժամը 10:00

Ս. ԾՆՆՂԵԱՆ ՏՈՒՆԻ ԱՌԻԹՈՎ

ԼԻԲԱՆԱՆԻ ՀԱՅՈՑ ԹԵՄԻ ԵԿԵՂԵՑԻՆԵՐԷՆ ՆԵՐՍ ԿԸ ՊԱՏԱՐԱԳԵՆ.-

Ս. Նշան Մայր Եկեղեցի	Գերշ. Տ. Շահէ Արք. Փանոսեան, Առաջնորդ
Ս. Պողոս Եկեղեցի, Անճար	Գերայ. Տ. Անանիա Ծ. Վրդ. Գուճանեան
Ս. Յակոբ Եկեղեցի, Էշթէֆիէ	Հոգշ. Տ. Աւետիք Արք. Տէր Կարապետեան
Ս. Յ. Կարապետ Եկեղեցի, Հայաշէն	Արժ. Տ. Վարդան Զին. Մարտիրոսեան
Ս. Գեորգ Եկեղեցի, Հաճն	Հոգշ. Տ. Եղիա Արք. Մայիսասեան
Ս. Զ. Մանկանց Եկեղեցի, Ն. Մարաշ	Գերայ. Տ. Հրանտ Ծ. Վրդ. Թահանեան
Ս. Յարութիւն Եկեղեցի, Ճիւղի	Հոգշ. Տ. Վիգէն Վրդ. Տալլըճեան
Ս. Յարութիւն Եկեղեցի, Ումէյլ	Արժ. Տ. Դեւոնք Զին. Լոշիսեան
Ս. Վարդանանց Եկեղեցի, Նորաշէն	Գերայ. Տ. Զարեհ Ծ. Վրդ. Սարգիսեան
Ս. Սարգիս Եկեղեցի, Նոր Սիս	Հոգշ. Տ. Արտաւազդ Վրդ. Շարոյեան
Ս. Աստուածածին Եկեղեցի, Ն. Ատանա	Գերայ. Տ. Արտակ Ծ. Վրդ. Արապեան
Ռաուտայի Մատուռ, Ռաուտա	Արժ. Տ. Առաքել Զին. Տըմտմեան
Ֆանարի Մատուռ, Ֆանար	Արժ. Տ. Միքայէլ Զին. Տէմիրճեան
Ս. Գրիգոր Լ. Եկեղեցի, Չախլէ	Արժ. Տ. Գրիգոր Զին. Եղիայեան
Ս. Հոգեգալուստ Եկեղեցի, Թրիփոյի	Արժ. Տ. Ներսէս Զին. Պասիլեան

ՄԵՌԵԼՈՑ

Ուրբաթ, Յունուար 7, 2022

Մեռելոցի առիթով, Թեմիս Եկեղեցիներուն մէջ Ս. Պատարագ պիտի մատուցուի առաւօտեան ժամը 8.00-ին, իսկ Ազգային գերեզմանատուներուն մէջ՝ առաւօտեան ժամը 10.30-ին:

ՏՆՕՐՅԵԸ

Բոլոր անոնք, որոնք Ս. Ծննդեան Տօնի առիթով կը փափաքին տնօրինել ունենալ, թող բարեհաճին կապուիլ իրենց ծխատէր քահանային հետ, որպէսզի տնօրինէք կատարուի յատուկ ժամադրութեամբ:

ԶՐԻՍՏՈՍ ԾՆԱԻ ԵՒ ՅԱՅՏՆԵՑԱԻ: ՕՐՀՆԵԱԼ Է ՅԱՅՏՆՈՒԹԻՒՆՆ ԶՐԻՍՏՈՍԻ:

ԿՐՏՆԱԿԱՆ ԺՈՂՈՎ



ԸՆԴՀԱՆՈՒՐ ԱՆԴԱՄԱԿԱՆ ԺՈՂՈՎ

ՈւՎ Ծուշան-Վարդենի ակումբի անդամական ժողովը տեղի պիտի ունենայ Ուրբաթ 7 Յունուար 2022-ի երեկոյեան ժամը 6:30-ին Թեքեան կեդրոնի մէջ, ժըմմէյգի:

ՈւՎ Պայքար ակումբի անդամական ժողովը տեղի պիտի ունենայ Ուրբաթ 7 Յունուար 2022-ի երեկոյեան ժամը 7:30-ին Թեքեան կեդրոնի մէջ, ժըմմէյգի: